

Sanhgyangh: Baengh “Mbawcaz Lijyouz Dox-yungz” Byaij Ok Diuz Roen Vut Gungz Ndeu

Ndwen 3 ngoenz 16, Sanhgyangh Duncuz Swciyen Bazgyangh Cin Buyangh Cunh banh ciet lijyouz vwnzva cazcin gaiq nduj, vunzlai dangdieg yungh mbaet caz doxdax, langhbaij guhcaz, eu fwen doxdax, yienj minzsuz, bin ndoicaz doxdax, gwn ngaizhumx daengj hingzsik yienj gij vwnzva caz Mbanjdung. Geij bi neix daeuj, aen yienh neix daj ndaem, guh, gyagoeng, siugai mbawcaz haidin, yungzhab cinjcing banggungz, hwnqguh lajmbanj moq daengj, youq ndaw suencaz guh diuzroen lijyouz, ranzdozninz ndaw suencaz daengj lijyouz giekdae sezsih, fuengbienh bouxhek daeuj ngonz caz, mbaet caz, cimz caz, cawx caz, hawj dangdieg daj ndaem caz, byaij ok diuz roen moq vut gungz mbawcaz lijyouz doxyungz hwnghat ndeu.

(Vuz Lenyinh/吴练勋)



▲ Dahsau langhbaij gij caz ceh ndei hawj bouxhek yawj.

► Vunzmbanj doxdax mbaet cazcin.



▲ Geij boux mehmbwk cingq ndaem faex.

Gunghcwngz Sihlingj Cin:

“Mehmbwk Vut Gungz Hengzdoengh” Bangrengz Vut Gungz Gunggeng

Ndwen 3 ngoenz 15, Gunghcwngz Yauzcuz Swciyen ganbu fulenz, aen lenzyizvei bouxak mehmbwk, mehmbwk gungzhoj 100 lai boux comz youq aen yienh neix Sihlingj Cin Yasung Cunh mbanjungzhoj caeuqfaenh aen yizsi hainduj “mehmbwk vut gungz hengzdoengh”.

Aen yizsi hainduj doenggvaq mehmbwk gangj vahmieng vut gungz, bak vunz caez ndaem “suen faex mehmbwk” “aen gyangjdangz hung mehmbwk vut gungz” “cejnuengx dazfwngz • mehmbwk vut gungz yamq vaij byaij” gapdoiq bangfuz daengj baenzdauq hozdung, yuqnaeuz mehmbwk lajmbanj laebceiq vut gungz, naengzlig vut gungz, cauhnib vut gungz, fwngzmbaeu vut gungz, doxbang vut gungz, cangqheiq vut gungz, simndei bangrengz vut gungz, dingq vah dangj, riengz dangj byaij, bangrengz lajmbanj saenqhwngh.

(Liengz Veih Vangz Limeiz/梁辉 黄丽梅)

Bahmaj: Ngoenz Gienzik Bouxsiuhfei Gozci 3·15 Comz Senhconz Ndaej Haenh

Ndwen 3 ngoenz 14, Bahmaj Yauzcuz Swciyen youq Souyangh Vwnzva Gvangjczangz banh aen hozdung ngoenz gienzik bouxsiuhfei gozci “3·15” bi 2019, hozdung cawjdaez dwg “saenqyungh hawj siuhfei engq cuengqsim”. Swciyen Sicangz Genhgvanjgiz caeuq Gunghsanghgiz, Veigengiz daengj 20 lai aen siuhvejvei cwnghyenz danhvei caeuq mbanj giyez caeuqfaenh le comz senhconz camcaz hozdung, haujlai vunz naeuz, aeu mbawdan senhconz daiq bae ranz caeuq vunz ndaw ranz caez hag, doengzcaez dingceih huq gyaj, henhoh gij gienzik habfap.

Ngoenzhaenx, yienhcieingz fat swhliu senhconz gungh 10000 lai mbaw(cek), bouxsiuhfei camcaz 700 lai baez, siubae gak loh huq gyaj huq rwix gyaqcienz dij daih'iek 12 fanh maenz.

(Veiz Mingzsungh/韦明崧)



▲ Bouxguhghong son siminz faenbied cienz gyaj.

Nungzgihi Iqet Bangrengz Ndaemcin



▲ Vunzguhghong cingq rauq naz.

Ndwen 3 ngoenz 17, youq Liujcouh Si Yungzanh Yen Fouzsiz Cin Dughgyangh Cunh boux vunzguhghong ndeu hai aen veihghwngghih rauq naz, caepcawq ndaem haeuxcaeux. Ndwen 3 seizcin, cingq dwg seizciet seizcin dajndaem, Yungzanh Yen ciuq gij saedsaeh dangdieg dieg bya lai, gaiq naz iq, gujli caeuq bangfuz vunzguhghong cawx nungzyez gihgai iq, bangrengz seizcin dajndaem, riengz dwk dienheiq bienq raeuj, Yungzanh Yen gak yanghcin vunzguhghong ciengj seizndei dajndaem, cae naz cingj dieg, caepcawq seizcin dajndaem, diegdeih Yungzanh diegdieg cungj dwg gij ngauez vunzlai gak cuz nyaengqnywtwywt.

Ciuq gyoepsuenq, Yungzanh Yen nungzgihi cungjdoenghlig daengz 25.29 fanh cienvax, beij bi' gvaq gyalai 1.75%; gak loih dohlahghih miz 14555 aen, beij bi' gvaq gyalai 2.5%.

(Danz Gaijghingh/谭凯兴)